

歷代帝王宅京記卷十九

崑山顧炎武著

吳縣朱記榮校刊

幽州

遼金元

輟耕錄

至元四年正月城京師以爲天下本右擁太行左注滄海撫中原正南面枕居庸奠朔方峙萬壽山浚太液池派玉泉通金水縈畿帶甸負山引河壯哉帝居擇此天府城方六十里二百四十步分十二門正南曰麗正南之右曰順承南之左曰文明北之東曰安貞北之西曰健德正東曰崇仁東之右曰齊化東之左曰光熙正西

歷代帝王宅京記卷十九

一

朱氏槐廬校刊

曰和義西之右曰肅清西之左曰平則大內南臨麗正門正衙曰大明殿曰延春閣宮成周迴九里三十步東西四百八十步南北六百十五步高三十五尺甄贊至元八年八月十七日申時動土明年三月十五日訖工分六門正南曰崇天十二間五門東西一百八十七尺深五十五尺高八十五尺左右趨樓二登門兩斜廡十門闕上兩觀皆三趨樓連趨樓東西廡各五間而趨樓之西有塗金銅幡竿附宮城南面有宿衛直廬凡諸宮門皆金鋪朱戶丹楹藻繪彤壁琉璃瓦飾簷脊崇天之左曰星拱三間一門東西五十五尺深四十五尺高五十尺崇天之右曰雲從制度如星拱東曰東華七間三

門東西一百十尺深四十五尺高八十尺西日西華制
度如東華北曰厚載五間一門東西八十七尺深高如
西華角樓四據宮城之四隅皆三趨樓琉璃瓦飾簷脊
直崇天門有白玉石橋三虹上分三道中爲御道鑄百
花蟠龍星拱南有御膳亭亭東有拱宸堂蓋百官會集
之所東南角樓東差北有生料庫庫東爲柴場夾垣東
北隅有羊圈西南角樓南紅門外留守司在焉西華南
有儀鸞局西有鷹房厚載北爲御苑外周垣紅門十有
五內苑紅門五御苑紅門四此兩垣之內也大明門在
崇天門內大明殿之正門也七間三門東西一百二十
尺深四十四尺重簷日精門在大明門左月華門在大

歷代帝王宅京記卷十九

二

朱氏槐廬校刊

明門右皆三間一門大明殿乃登極正旦壽節會朝之
五衙也十一間東西二百尺深一百二十尺高九十尺
柱廊七間深二百四十尺廣四十四尺高五十尺寢室
五間東西夾六間後連香閣三間東西一百四十尺深
五十尺高七十尺青石花礎白玉石圓礪文石登地上
藉重茵丹楹金飾龍繞其土四面朱瑣窗藻井間金繪
飾燕石重陛朱闌塗金銅飛雕冒中設七寶雲龍御榻
白蓋金縷褥竝設后位諸王百僚怯薛官侍宴坐牀重
列左右前置燈漏貯水運機小偶人當時刻捧牌而出
木質銀裏漆甕一金雲龍蜿蜒之高一丈七尺貯酒可
五十餘石雕象酒卓一長八尺闊七尺二寸玉盃一玉

編磬一巨笙一玉笙玉筚篥咸備於前前懸繡緣朱簾至冬月大殿則黃貓皮壁帷黑貂褥香閣則銀鼠皮壁幃黑貂煖帳凡諸宮殿乘輿所臨御者皆丹楹朱瑣窗間金藻繪設御榻衾褥咸備屋之簷脊皆飾琉璃瓦文思殿在大明寢殿東三間前後軒東西三十五尺深七十二尺紫檀殿在大明寢殿西制度如文思皆以紫檀香木爲之鏤花龍涎香間白玉飾壁草色髹綠其皮爲地衣寶雲殿在寢地後五間東西五十六尺深六十三尺高三十尺鳳儀門在東廡中三間一門東西一百尺深六十尺高如其深門之外有庖人之室稍南有酒人之室麟瑞門在西廡中制度如鳳儀門門之外有內藏

歷代帝王宅京記卷十九

三

朱氏槐廬校刊

庫二十所所爲七間鐘樓又名文樓在鳳儀南鼓樓又名武樓在麟瑞南皆五間高七十五尺嘉慶門在後廡寶雲殿東景福門在後廡寶雲殿西皆三間一門周廡一百二十間高三十五尺四隅角樓四間重簷凡諸宮周廡竝用丹楹彤壁藻繪琉璃瓦飾簷脊延春門在寶雲殿後延春閣之正門也五間三門東西七十七尺重簷懿範門在延春左嘉則門在延春右皆三間之門延春閣九間東西一百五十尺深九十尺高一百尺三簷重屋柱廊七間廣四十五尺深一百四十尺高五十尺寢殿七間東西夾四間後香閣一閣東西一百四十尺深七十五尺高如其深重簷文石螿地藉花毳裯簷帷

咸備白玉石重陛朱闌銅冒楯塗金雕翔其上閣上御榻二柱廊中設小山屏牀皆楠木爲之而飾以金寢殿楠木御榻東夾紫檀御榻壁皆張素畫飛龍舞鳳西夾事佛像香閣楠木寢牀金鏤褥黑貂壁帷慈福殿又曰東煖殿在寢殿東三間前後軒東西三十五尺深七十二尺明仁殿又曰西煖殿在寢殿西制度如慈福景耀門在左廡中三間一門高三十尺清灑門在右廡中制度如景耀鐘樓在景耀南鼓樓在清灑南各高七十五尺周廡一百七十二間四隅角樓四間玉德殿在清灑外七間東西一百尺深四十九尺高四十尺飾以白玉甃以文石中設佛像東香殿在玉德殿東西香殿在玉

歷代帝王宅京記卷十九 四

朱氏槐廬校刊

德殿西宸慶殿在玉德殿後九間東西一百三十尺深四十尺高如其深中設御榻簾帷裯褥咸備前列朱闌左右闕二紅門後三字門三間東更衣殿在宸慶殿東五間高三十尺西更衣殿在宸慶殿西制度如東殿降福殿在大內之西興聖之前南紅門三東西紅門宮各一繚以甃垣南紅門一東紅門一後紅門一光天門光天殿正門也五間三門高三十二尺重簷崇華門在光天門左膺福門在光天門右各三間一門光天殿七間東西九十八尺深五十五尺高七十尺柱廊七間深九十八尺高五十尺寢殿五間兩夾四間東西一百三十尺高五十八尺五寸重簷藻井瑣窗文石甃地藉花毳

榻懸朱簾重陞朱闌塗金雕冒楯正殿鏤金雲龍樟木御榻從臣坐牀重列前兩旁寢殿亦設御榻衾褥咸備青陽門在左廡中明暉門在右廡中各三間一門翥鳳樓在青陽南三間高四十五尺驂龍樓在明暉南制度如翥鳳後有牧人宿衛之室壽昌殿又曰東煖殿在寢殿東三間前後軒重簷嘉禧殿又曰西煖殿在寢殿西制度如壽昌中位佛像旁設御榻針線殿在寢殿後周廡一百七十二間四隅角樓四間侍女直廬五所在針線殿後又有侍女室七十二間在直廬後及左右浴室一區在宮垣東北隅文德殿在明暉外又曰楠木殿皆楠木爲之三間前後軒一間盃頂殿五間在光天殿西

北角樓西後有盃頂小殿香殿在宮垣西北隅三間前軒一間前寢殿三間柱廊三間後寢殿三間東西夾各二間文宸庫在宮垣西南隅酒房在宮垣東南隅內庖在酒房之北興聖宮在大內之西北萬壽山之正西周以甃垣南闢紅門三東西紅門各一北紅門一南紅門外兩旁附垣有宿衛直廬凡四十間東西門外各三間南間前夾垣內有省院臺百司官侍直板屋北門外有窰花室五間東夾垣外有宦人之室十七間凌室六間酒房六間南北西門外基置衛士直宿之舍二十一所所爲一間外夾垣東紅門三直儀天殿弔橋西紅門一達徽政院門內差北有盃頂房二各三間又北有屋二

所各三間差南有庫一所及屋三間北紅門外有臨衛門一所三間此夾垣之北門也興聖門興聖殿之北門也五間三門重簷東西七十四尺明華門在興聖門左肅章門在興聖門右各三間一門興聖殿七間東西一百尺深九十七尺柱廊六間深九十四尺寢殿五間兩夾各三間後香閣三間深七十七尺正殿四面朱懸瑣窗文石螭地藉以毳褥中設展屏榻張白蓋簾帷皆錦繡爲之諸王百寮宿衛官侍宴坐牀重列左右其柱廊寢殿亦各設御榻褥咸備白玉石重陞朱闌塗金冒楯覆以白磁瓦碧琉璃飾其簷脊宏慶門在東廡中宣則門在西廡中各三間一門凝暉樓在宏慶南五間東

西六十七尺延顥樓在宣則南制度如凝暉嘉德殿在寢殿東三間前後軒各三間重簷寶慈殿在寢殿西制度如嘉德山字門在興聖宮後延華閣之正門也正一間兩夾各一間重簷一門脊置金寶瓶又獨腳門二周閣以紅版垣延華閣五間方七十五尺二寸重阿十字脊白琉璃瓦覆青琉璃瓦飾其簷脊立金寶瓶單陞御榻從臣坐牀咸具東西殿在延華閣西左右各五間前軒一間園亭在延亭閣後方碧亭在延華閣後園亭東三門重簷十字脊覆以青琉璃瓦飾以綠琉璃瓦脊置金寶瓶徽青亭在圓亭西制度同芳碧亭浴室在延華閣東南隅東殿後旁有盥頂井亭二間又有盥頂房三

閒畏吾兒殿在延華閣右六閒旁有簷花半屋八閒木
香亭在畏吾兒殿後東盞頂殿在延華閣東版垣外正
殿五閒前軒三閒東西六十五尺深三十九尺柱廊二
閒深二十六尺寢殿三閒東西四十八尺前宛轉置花
闌八十五扇殿之旁有盞頂房三閒庖室二閒面陽朱
盞頂房三閒妃嬪庫房一間縫紉女庫房三閒紅門一
盞頂之置三椽其頂若筍之平故名西盞頂殿在延華
閣西版垣之外制度同東殿東殿之旁有庖室三閒好
事房二各三閒獨腳門二紅門一妃嬪院四二在東盞
頂殿後二在西盞頂殿後各正室三閒東西夾四閒前
軒三閒後有三椽半屋二閒侍女室八十三閒半在東
妃嬪院左西向半在西妃嬪院右東向室前後各有三
椽半屋二十五閒東盞頂殿紅門外有屋三閒盞頂軒
一間後有盞頂房一間庖室一區在凝暉樓在正屋五
閒前軒一間後披屋三閒又有盞頂房一間盞頂井亭
一間周以土垣前闌紅門酒房在東垣東南隅庖室南
正屋五閒前盞頂軒三閒南北房各三閒西北隅盞頂
房三閒紅門一土垣四周之學士院在閣後四盞頂殿
門外之西偏三閒生料庫在學士院南又南爲鞍轡庫
又南爲軍器庫又南爲庖人牧人宿衛之室藏珍庫在
宮垣西南隅制度竝如酒室惟多盞頂半屋三閒庖室
三閒

萬壽山在大內西北太液池之陽金人名瓊花島中統三年修繕之至元八年賜今名其山皆疊玲瓏石爲之峰巒隱映松檜隆鬱秀若天成引金水河至其後轉機運剡汲水至山頂出石龍口注方池伏流至仁智殿後有石刻蟠龍昂首噴水仰出然後由東西流入於太液池山前有白玉石橋長二百餘尺直儀天殿後朝之北有玲瓏石擁木門五門皆爲石色內有隙地對立日月石西有石棋枰又有石坐牀左右皆有登山之徑縈紆萬石中洞府出入宛轉相迷至一殿一亭各擅一景之妙山之東有石橋長七十六尺闊四十一尺半爲石渠以載金水而流於山後以汲於山頂也又東爲靈圃奇

獸珍禽在焉廣寒殿在山頂七間東西一百二十尺深六十二尺高五十尺重阿藻井文石螯地四面瑣窗板密其裏編綴金紅雲而蟠龍矯蹇於丹楹之上中有小玉殿內設金嵌玉龍御榻左右列從臣坐牀前架黑龍玉酒盃一玉有白章隨其形刻爲魚獸出沒於波濤之狀其大可貯酒三十餘石又有玉假山一峰玉響鐵一懸殿之後有小石筍二內出石龍首以嚙所引金水西北有廁堂一間仁智殿在山之半三間高三十尺金露亭在廣寒殿東其制圓九柱高二十四尺央頂上置琉璃珠亭後有銅幡竿玉虹亭在廣寒殿西制度同金露方壺亭在荷葉亭後高三十尺重屋八面重屋無梯自

金露亭前複道登焉又曰線珠亭瀛洲亭在溫石浴室後制度同方壺玉虹亭前仍有登重屋複道亦曰線珠亭荷葉殿在方壺前仁智西北三間高三十尺方頂中置琉璃珠溫石浴室在瀛洲前仁智西北三間高二十三尺方頂中置塗金寶瓶圓亭又曰膳粉亭在荷葉殿西蓋后妃添妝之所也入面介福殿在仁智東差北三間東西四十一尺高二十五尺延和殿在仁智西北制度如介福馬湏室在介福前三間牧人之室在延和前三間庖室在焉湏前東浴室更衣殿在山東平地三間兩夾太液池在大內西周回若干里植芙蓉儀天殿在池中圓坻上當萬壽山十一楹高三十五尺圍七十尺

重簷圓蓋頂圓臺址發以文石藉以花綉中設御榻周闕瑣窗東西門各一間西北廁堂一間臺西向列甃磚龕以居宿衛之士東爲木橋長一百廿尺闊廿二尺通大內之夾垣西爲木橋長四百七十尺闊如東橋中闕之立柱架梁於二舟以當其空至車駕之行幸上都留守官則移舟斷橋以禁往來是橋通興聖宮前之夾垣後有白玉石橋乃萬壽山之道也犀山臺在儀天殿前水中上植木芍藥御苑在隆福宮西先后妃多居焉香殿在石假山上三間兩夾二間柱廊三間龜頭尾三間丹楹瑣窗間金藻繪玉石礎琉璃瓦殿後又石臺山後闕紅門門外有侍女之室二所皆南向竝列又後直紅

門竝立紅門三三門之外有太子幹耳朵荷葉殿二在香殿左右各三間圓殿在山前圓頂上置度金寶珠重簷後有流杯池池東西流水圓亭二圓殿有廡以連之歇山殿在圓殿前五間柱廊二各三間東西亭二在歇山後左右十字眷東西水心亭在歇山殿池中直東西亭之南九柱重簷亭之後各有侍女房三所所爲三間東房西向西房東向前闢紅門三門內立石以屏內外外築四垣以周之池引金水注焉棕毛殿在假山東偏三間後盪頂殿三間前殿紅門立垣以區分之儀鸞局在三紅門外西南隅正屋三間東西屋三間前開一門史官虞集曰嘗觀紀籍所載秦漢隋唐之宮闕其宏麗可怖也高者七八十丈廣者二三十里而離宮別館綵延聯絡彌山跨谷多或至數百所嗜真木妖哉山余有言使鬼爲之則勞神矣使人爲之則苦人矣由余當穆公之時爲是言俾見後世之多何如也雖然紫宮著乎元象得無棟宇有差等之辨而茅茨之簡又烏足以重威於四海乎集佐修經世大典將作所疏宮闕制度爲詳於是知大有經庭於古也方今幅員之廣戶口之夥貢稅之富當倍秦漢而參隋唐也願力有可爲而莫爲則其所樂不在於斯也孔子曰禹吾無閒然矣卑宮室而盡力乎溝洫重於此則輕於彼理固然矣

中書省

吏部

戶部

都提舉萬億綺源庫

都提舉萬億賦源庫

都提舉萬億寶源庫

都提舉萬億廣源庫

都舉富甯庫

諸路寶鈔提舉司

順承行用庫

文明行用庫

光熙行用庫

健德行用庫

和義行用庫

崇仁行用庫

順承行準庫

大都平準庫

寶鈔總庫

印造寶鈔庫

燒鈔西庫

燒鈔東庫

印造茶鹽引局

鈔紙坊

禮部

歷代帝王宅京記卷十九

十一

朱氏槐廬校刊

會同館

教坊司

鑄印局

白紙坊

油磨坊

刑部

兵部

工部

覆寶司

提舉都城所

提舉右八作司

提舉左八作司

備章總院

大都人匠總管府

大都諸色民匠總管府

紋繡總院

繡局

諸路雜造總管府

茶迭兒局 諸色人匠總管府

提舉諸司局

諸司局人匠總管府

大都金銀器盒局

大都壇局

織染局

花氈蠟布等局

簾局

撒荅刺欺等局人匠提舉司

造船提舉司

諸物庫

符牌庫

受給庫

左右廂

樞密院

右衛親軍都指揮使司

左衛親軍都指揮使司

中衛親軍都指揮使司

前衛親軍都指揮使司

後衛親軍都指揮使司

武衛親軍都指揮使司

蒙古侍衛親軍都指揮使司

虎賁侍衛親軍都指揮使司

唐兀侍衛親軍都指揮使司

欽察侍衛親軍都指揮使司

貴赤侍衛親軍都指揮使司

西域侍衛親軍都指揮使司

歷代帝王宅京記卷十九

三

朱氏槐廬校刊

御史臺

殿中司

察院

也可札魯忽赤

司獄司

徽政院

宮正司

掌謁司

掌醫署

掌膳署

內正司

備用庫

藏珍庫

掌儀署

文成庫

供須司

儀從庫

衛候司

右都威衛使司

左都威衛使司

延慶司

隨路諸色人匠都總管府

大都等路諸民匠提舉司

瑪瑙玉局

織染樸造人匠總管府 綾錦局 織染局

文綺局 諸路怯恰口民都總管府

大護國仁王寺財用規運都總管府

尙舍監 諸物庫 尙食局 生料庫

光祿寺 尙醞局 尙飲局 醴源倉

闡遺監 提舉太倉 沙糖局 柴炭提舉司

中政院

奉宸庫

官領隨路民匠打館鷹房納綿總管府

集賢院

國子監 國子學 興文署

歷代帝王宅京記卷十九 三

朱氏槐廬校刊

翰林院

國子監 國子學

翰林國史院

宣政院

資善庫

昭文館

太常寺

太廟署 太樂署 社稷署 禮直署

大司農司

廣濟署 籍田署 豐贍署 供膳司

昌國署 濟民署

大都護府

通政院

廩給司

秘書監

著作局

秘書庫

大府監

內藏庫

右藏庫

左藏庫

器備庫

中尙監

資成庫

雜造局諸色人匠提舉司

鐵局

木局

法恰口諸色人匠提舉司

大都等路種田人匠織染局

歷代帝王宅京記卷十九

十四

朱氏槐廬校刊

利用監

資用庫

法恰口皮局人匠提舉司

大都雜造雙線局

熟皮局

店皮局

貂鼠局

大都軟皮局

章佩監

御帶庫

異珍庫

典瑞監

大都留守司兼少府監

修內司

大木局

小木局

泥瓦局

妝釘局

銅局

車局

繩局

祇應局

畫局

油漆局

器備局

器物局

鐵局

儀鸞局

大都諸色人匠提舉司

犀象牙局

雕牙局

雕木局

採石局

木場局

上林局

大都門尉

將作院

諸路金玉人匠總管府

玉局提舉司

瑪瑙局提舉司

石局

金絲子局

大小雕木等局

鞞帶斜皮局

瓊玉局

畫局

溫犀玳瑁局

漆紗冠冕局

珠子局

異樣等局總管府

異樣紋繡兩局

歷代帝王宅京記卷十九 五

朱氏槐廬校刊

綾錦織染兩局

金絲顏料總局

尙衣局

御衣局

泉府司

富藏庫

侍儀司

法物庫

武備寺

壽武庫

利器局

甲匠提舉司

箭局

弦局

都水監

大都河道提舉司

尙乘寺

諸路雜造總管府

諸路旋匠提舉司

網簾局

資乘庫

太僕寺

太史院

司天臺

回回司天臺

太醫院

御藥局

御藥院

回回藥物院

回回藥物局

大都惠民司

廣惠司

歷代帝王宅京記卷十九 夫

宋氏槐廬校刊

崇福司

拱衛直都指揮使司

儀從司

大司徒領異樣金玉人匠總管府

塑局

出鐵局

銀局

銅局

鑄等銅局

唐像畫局

梵像局

雜造提舉司

鑄鐵局

玉局

諸物庫

李可孫

儀鳳司

安和署

京畿都漕運使司

萬斯南倉 萬斯北倉 千斯倉 相因倉

豐聞倉 通濟倉 廣貯倉 永平倉

永濟倉 惟億倉 盈衍倉 大積倉

豐濟倉 廣衍倉 順濟倉

大都等路都轉運鹽使司

大都稅課提舉司 大都酒課提舉司

大都南北兩兵馬都指揮使司

北兵馬

內史府

省架閣庫

左右部架閣庫

歷代帝王宅京記卷十九

七

朱氏槐廬校刊

長信寺

天祿初建奎章閣於西宮興聖殿之西廊為屋三間
高明敞爽南間以藏物中間諸官入直所北間南嚮
設御座左右列珍玩命羣玉內司掌之閣官署銜初
名奎章閣階正三品隸東宮屬官後文宗復位乃陞
為奎章閣學士院階正二品置大學士五員竝知經
筵事侍書學士二員承制學士二員供奉學士二員
竝兼經筵官幕職置參書二員典籤二員竝兼經筵
參贊官照磨一員內掾四名內二名兼檢討宣使四
名知印二名譯史二名典書四名屬官則有羣玉內
司階正三品置監羣玉內史一員司尉一員亞尉二

員僉司二員典簿一員令史二名典吏司名司鑰二
名司膳四名給使八名專掌秘玩古物藝文監階正
三品置太監兼檢校書籍事二員少監同檢校書籍
事二員監承參檢校書籍事二員或有兼經筵官者
典簿一員照磨一員令史四名典吏二名專掌書籍
鑿書博士階正五品置博士兼經筵參贊官二員書
吏一名專一監辦書畫授經郎階正七品置授經郎
兼經筵譯文官二員專一訓教怯薛官大臣子孫藝
林庫階從六品置提典一員副使一員司吏二名庫
子一名專一收貯書籍廣成局階從七品置大使一
員副使一員直長二員司吏二名專一印行 祖宗

歷代帝王宅京記卷十九

表

宋氏槐廬校刊

聖訓及國制等書特恩勅製象齒小牌五十上書奎
章閣三字一面篆字一面蒙古字與畏吾兒字分散
各官懸佩出入宮門無禁學士院凡與諸司往復惟
劄送參書廳行移而已命侍讀學士虞集撰記御書
刻石閣中明皇帝改奎章曰宣文其記曰大統既正
海內定一乃稽古右文崇德樂道以天道二年三月
作奎章之閣備燕閒之居將以潛淵遐思緝熙典學
乃置學士員俾頌乎祖宗之成訓毋忘乎創業之艱
難而守成之不易也又俾陳夫內聖外王之道興亡
得失之故而以自儆焉其爲閣也因便殿之西廡擇
高明而有容不加飾乎采椽不重勞乎土木不過啟

戶牖以順清煥樹皮閣以栖圖書而已至於器玩之陳非古制作中法度者不得在列其爲處也跬步戶庭之間而清嚴邃密非有朝會祠享時巡之事幾無一日而不御於斯於是宰輔有所奏請宥密有所圖維爭臣有所繩糾侍從有所獻贊以次入對從容密勿蓋終日焉而聲色狗馬不軌不物者無因而至前矣自古聖明睿知善於怡心養神培本浚源泛應萬變而不窮者未有易乎此者也蓋聞天有恒運日月之行不息矣地有恒勢水土之載不墮矣人君有恒居則天地民物有所係屬而不易矣居是閣也靜焉而天爲一動焉而天弗違庶乎有道之福以保我子孫黎民於無窮哉至順辛未孟春二日記

歷代帝王宅京記卷十九

十九

朱氏槐廬校刊

光緒歲在著雍困敦春月吳縣朱記榮槐廬家塾校刊
歷代帝王宅京記卷十九終